


## **Isidor Hendry, Sedrun/Cuera**



Ils 22 da zercladur annunzia il tuchiez da s. Vigeli la mort prematura da nies convischin Isidor Hendry, sesents a Cuera. Sco fegl da Bruno Hendry e Barla Catrina Riedi ei Isidor naschius a Gonda, ils 18 d'avrel 1937. Ensemens cun ses siat fargliuns ha el passentau ina affonza ventireivla. Suenter haver giu frequentau las usitadas scolas da vischnaunca serenda il giuven Isidor ad Ursera. Tier la Viafier Furca-Alpsu fa el igl emprendissadi da caustaziun. En quella funcziun lavura el era duront tschun onns. Igl onn 1964 marida el e secasa ad Erstfeld. Leu lavura el en biro tier la firma Bau SA. Dus affons portan igl usitau quitau e fastedi.

Ils davos 25 onns s'engascha e lavura igl Isidor sco fideivel survigilader ella perschun Sennhof a Cuera. Siu temps liber passentava el pil pli en casa paterna a Gonda. Sia veta activa va nunspitgadamein a fin. En consequenza d'ina attacca dil cor eis el spartius ils 22 da zercladur 1996 en la vegliadetgna da 59 onns. In grond conduct da bara accumpogna il car bab, il preziau camerat da lavur alla fossa.